



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetii, 1706

Alia Confessionis audiendæ Formula II.

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

Alia facultatis Confessiones audiendi .

F O R M U L A II.

N. Episcopus N.

TIbi dilecto Nobis in Christo N. ut in hac Civitate N. Confessiones Sacramentales utriusque sexus Christifidelium audire , eosque absolvere (non tamen à casibus , censurisque Sedi Apostolice , ac nobis reservatis , excepto mortis articulo) possis , & valeas , tenore præsentium licentiam concedimus , & facultatem impartimur duraturam tantum ad sex menses .

Te in Domino admonentes ne dum alios à peccatorum nexibus liberare intendis , te ipsum implices , ut pro recta hujus Sacramenti administratione omnia , quæ in Decretis Apostolicis , ac Synodalibus Constitutionibus N. tradita sunt , saepè legas , & observes . Ut mulierum Confessiones non nisi in Sede Confessionali in Ecclesia nec ante Solis ortum , neque post ejus occasum (seclusis infirmitatis , aut necessitatis casibus) audias . Si ad infirmos vocatus fueris , de eorum auditâ Confessione statim proprium eorum Parochum certiore facias verbo , vel scripto . Si quis pœnitentes deprehenderis à Confessariis diabolico instinctu ad turpia , seu inter confitendum , seu occasione Confessionis , seu in Sede Confessionali , sive ante , sive post Confessionem quoscunque sollicitatos , seu ad turpia colloquia allectos fuisse , eos serio admoneas de obligatione hujusmodi sollicitantes , ad Sanctæ Inquisitionis , seu nostrum Tribunal denunciandi juxta Bullam same . Gregor . XV . alias denunciare renuentibus absolutionem deneges sub pena in eadem Bulla contenta . Ut à nudioribus requiras , an fidei articulos , Decalogi , Ecclesiæque præcepta noverint , doctrinam Christianam satagant ediscere . An conscientiae examen fecerint , doloremque necessarium habeant de peccatis , ea que detestentur cum vero proposito in posterum illa vitandi . Utrum lethalem aliquam culpam erubescientia , vel alia de causa reticuerint , contritionis , aut saltem attritionis actum eos elicere adjuves . Si restitutio famæ , vel rerum obfarta , vel damna illata facienda sit , caveas ne detrectantibus , vel negligentibus restituere , si possint , absolutionem impendas . Circumstantias peccatorum , que mutant speciem , vel pravitatem valde augent , inquiras : iis qui nec peccata , nec proximas peccandi occasiones relinquere volunt , utpotè Concubinariis , Meretricibus , nec non odia , & inimicitias exercentibus , absolutionem omnino deneges . Pœnitentias salutares , ac convenientes satisfactiones , quas prudentia suggererit pro qualitate peccatorum , & pœnitentium facultate injungas . Sigillum confessionis inviolabile serves , ne irremissibiles penas à Sac. Canonibus inflictas subeas , & si quid difficillimum , vel arduum acciderit , in quo delibero fisisceps , absolutionem differas , donec sapientes consulas . In quorum &c . Datum &c .

N. Episcopus N.

Loco ☩ Sigilli .

N. Cancellarius Episcopalis .

Monacelli Form. Pars I.

S 3 AD-

ADNOTATIO.

HAC formula utebatur clar. me. Cardinalis Barbadicus Episcopus Patavinus, Vir non minus Purpura, quam doctrina, & virtutibus Eminentissimus; ex qua Confessarii regulas generales pro recta hujus Sacramenti administratione excerpere possunt, à quibus non nisi in aliquo casu particulari, (in quo regulam servandam non esse prudentia suggerat) recedi non solet.

Deputationis Confessarii Ordinarii
Monialium.

FORMULA III.

SUMMARIUM.

- 1 Parochi, & Regulares non deputantur in Confessarios ordinarios Monialium.
- 2 In casu penuriae Presbyterorum Secularium Regulares adhibentur de licentia Sacr. Congregat. dummodo

- sint qualificati, & provectæ ætatis.
- 3 Episcopi non possunt uti Regularibus quamvis adsit penuria Sacerdotum Confessorum secularium sine licentia Sacr. Congregationis, & n. 4.
 - 5 Moniales non possunt recusare Confessarium ab Episcopo deputatum.
 - 6 Confessarii Monialium non possunt ingredi clausuram ad peragendum officium funeris, & afferuntur rationes n. 7. 8. & 9. rejiciunturque contrarium tenentes.
 - 10 Confessarii debent audire Confessiones Monialium infirmarum Janus Celle apertis.
 - 11 Confessarii Monialium debent abstinere à frequentatione Collocutorii.
 - 12 Confessarii Monialium Ordinarii non debent accedere ad Ecclesiam, seu Monasterium tempore, quo adest Confessarius extraordinarius.
 - 13 Confessarius Monialium debet habere mercedem congruam sufficientem praevitu.
 - 14 Episcopus curare debet, ut merces Confessorum Monialium sit congrua.

N. Episcopus N.

TIbi N. Presbytero seculari per Examinateos nostros idoneo reperto, & per Nos approbato, ut in Ecclesia, & Monasterio S. N. Confessiones Sacramentales Monialium audire, & secularium etiam Mulierum, si que in eodem Monasterio erunt, easque absolvere valeas, præterquam à casibus, & censuris Sedi Apostolicæ, & Nobis reservatis, licentiam, & facultatem concedimus, & impartimur; tibique Confessario Ordinario à Nobis Deputato, omnes Moniales confiteri teneantur. In Clasuram Monasterii non ingredieris nisi superpelliceo, & stola induitus, ut tantummodo administrres Sacraenta Pœnitentia, Eucharistiæ, & extremæ Unctionis infirmis, quibus tantum casibus semper tuo hoc munere modestia, & exemplaritate perfungas sociatus à duabus ex senioribus Monialibus, quæ cum Confessiones infirmarum audies, Janua Cellæ aperta te etiam videre possint, non autem audire. Negotiis Monasterii aut Monialium quibuscumque non te immisceas, neque ad Crates, seu Rotas colloquaris nisi de his tantum, quæ Ecclesiæ cultum, & Divinorum Officiorum celebrationem respiciunt. Te in Domino admonentes, ut promovere cures, quæ ad Regulæ observantiam conducunt, pravos abusus si qui sint sarculo Evangelicæ doctrinæ evellere, & religiosam vitam fovere, & enutrire. Cum vero